

外交報彙編

第二十二冊

辯明中立

俄政府行文美政府、誣稱中國不守中立五款、外務部逐款指駁、通告各國、特錄如下、一、日本在

東三省招馬賊為兵、查東三省馬賊俄官馬大力多夫等先經招募編隊攻擊日軍如謂受日本

雖至馬賊有時竄入中立境內地方官屢經查拿懲辦公二、中國練軍政府聘用日本人為教習、法中立國人民或退職軍員亦私往助戰本國可不諱其實

查北方練軍並無日本員弁換入惟保定學堂有日本人充當講事在未戰以前後又具三、中國

政府准日本借用廟島、查甲辰年海圻海容等船時巡朝島登州守令加派四、煙臺有人將

戰例禁貨運往大連灣、查戰時禁貨前通飭不准運往戰地煙臺並五、漢陽官家鐵政局將鑄鐵

料賣與日本、查大冶鐵廠係商探商運與漢陽鐵廠局前二十六二十九等年該商與日商訂改合

鐵不在禁例此係未經鑄化之鑛石未成生鐵更又稱中國現欲詳細預備、將來附入戰場、查練

兵為綏靖地方內政、五洲大國、何獨不然、何得疑中國有附入戰場之意、再俄照會有煙臺俄雷

艇失事、為偏袒日本之證一節、查此案事出意外、薩鎮攔阻不及、並無縱使情事、業將薩鎮議處、

並照日使索艇、案雖未結、實已盡力辦理、且俄屢犯中立、姑述數條、一、俄人在遼西結橋屯兵、二、

北戴河張家口豐臺查獲俄人多數槍礮彈、係暗藏貨包內私運、四、由煙臺送至上海之俄艇船

主在吳淞口潛逃、此皆中國爲難實情、中國嚴守中立、堅定不移、地方官恪守條規、民情均甚安靖、久爲各大國所共諒、戰國憑空吹求、自應切實聲辯云云、

要事彙誌

正月初四日、皇太后、皇上升回乾清宮、德使穆默英使薩道義日本使內田康哉法

使呂班荷使希特斯比使葛飛業義使巴樂禮日署使賈恩理大西洋署使阿梅達墨代辦使烏

海慕美署使固立之韓署使朴臺榮奧暫代辦使副領事盧達偉、覲見賀年、○查辦西藏事件

唐京卿紹儀近奉 廷旨爲駐英公使、迅赴倫敦、與英政府直接交涉、有毋庸赴藏之說、○義國

駐華兵隊、將於三月撤回國、僅留水師兵三百人、馬兵一小隊、保護使館、○巴拿馬自主國以

開通海峽全權讓與美國、議雇華工前往開掘、巴拿馬商董戴國棟以所議華人工資、日僅美金

六角、住屋醫藥衣食一切在內、殊太刻苦、自宜訂立合同、邀求利益等情、稟陳中國駐美梁星使、

梁使因招工一事、美政府向不與聞、礙難駁論、若由招工處所預爲防範、似較得力、宜由地方官

勒令招工公司優給傭值、安定章程、由美領事簽印作保、始不虞或有他變云、

部、由商部咨行各督撫查酌辦理、

中俄交涉

曩爲俄國租借後已歸還之新疆巴爾魯克地方復被俄人奪據又派兵越阿爾泰山有占阿拉克之勢伊犁將軍爭之俄不從且駐兵於喀什噶爾恰克圖伊犁各處訓練蒙漢人民使充兵役而奉天新民屯南面及法庫門兩中立境亦有俄兵闖入至在奉省兵隊則佔兵部刑部工部三署並拘電報局十八人

是時日人拘遼陽州知州陳牧長傑旋即釋放

疑其爲日諜也○俄使照會外務部謂波羅的海艦隊卽將東來須在廈門馬江旋泊外務部拒之○甲辰十一月初九日在滬俄艦水兵斃華人周生友一案由江海關道袁觀察索交凶犯會審治罪俄官堅執不允擅自定讞科以監禁四年

原定在上海法租界獄中監禁

罰作苦工並奪去各種權利之罪作爲了結外務部據以奏聞遂令商約大臣盛宮保督同袁觀察就近辦理宮保研究駁詰必欲照俄海部原議監禁八年治罪俄官謂不能再重再三駁辨始允除上海法牢監禁年月不計外俟日俄戰事了結解回本國監禁至作苦工日起算扣足四年盛宮保因將案卷咨送駐俄胡星使向俄外部力爭云

路鑛彙誌

駐藏大臣以英國趕造鐵路現已通至前藏並派員查勘鑛務等情電告政府並聞英使以川藏

築路之權為請、○廣東潮汕鐵路日工被戕、日領事初以六款相要、一掛凶二究罰縣官三索款府賠款四索政府賠償工程

之虧損五代鄉民索政府賠償六出示嚴禁肇事 由公司總辦與日商愛久澤議定、給郵銀二萬五千圓、賠款銀十五萬

圓、○法使牒外務部、謂川漢鐵路、雖由中國自辦、然工程師必須用法人、又欲於廣西南甯府開一專管租界○美

政府初允中國將粵漢鐵路股本加價收回、即由中國自辦、繼又不允、又謂願選派工程師來華、

為中國建築龍州鐵路、並代籌借路款、○前張燕謀侍郎以對質開平煤鑛訟事赴英、近知審問

得直、鑛產可冀收回、○德人要求山東鑛山五處、同時又以在青島增兵二中隊約四五百人為請

要事彙誌

各國於彌補鎊虧一案、不從中國政府所請之三條、見本報一百期但允中國再出一百二十萬鎊、即可

彌補鎊虧、○吉林將軍以圖們江一帶韓人、常偕俄兵行劫、電請政府知照韓國、從嚴懲辦、從之、

○日使牒外務部、請派兵駐守東三省南境、然無該地永歸中國之聲言、○英使牒外務部、拒我

索還威海之請、謂俄以旅順降日、非交還中國也、○法使牒外務部、請會勘廣西龍州邊界、又欲

在廣東租界外屯兵、拒之、法使不從、而在廣州灣附近之法人、藉討伐土匪為名、殺土民無算、至

福建船政廠監督法人杜業爾月薪川資、辭退時均已照給、而法使近又向外務部要索焉、

商務彙誌

比使以萬國海關稅章牒送外務部。○直隸補用道高觀察爾嘉與法商沙札耶集銀四百萬兩，設中法銀行於天津，業已稟由直督批准開辦。○華商設立港秘輪船公司，往來香港秘魯，即日開辦。○中俄電報減價，前由外務部與俄使商議，經已奏准，近特再行照會，以便續訂約章，俾資信守。○近有德商在上海張華浜購地數畝，建設電房機器線池，附入大北大東公司，使滬膠海線，由膠州通大叢山轉張華浜對江總海線房，以抵分棧，再由陸道旱線直達上海。○天津丹商璞爾生德律風公司，業由中國電話公司出價銀五萬兩收回，並議定聘其至中國電話公司辦事三年。○日商所設樟腦公司，議在鼓浪嶼設電話公司，華官以有礙電政拒之。○京師電燈，前由華商承辦，近某洋商又在東交民巷興造，經外務部與各使議准，准其專就使館界內開辦，而胡筠楣侍郎則許其推廣至津榆鐵路車站。○德日商人爭辦江甯電燈，江督以保全利權，乃均婉詞覆之。○土膏向有落地稅，自改行統捐後，凡洋貨進口，必須完捐兩次，駐漢口英領事以前議十三款，僅有進口稅而無落地稅，稟之駐華公使，向外務部駁詰。○外務部牒告英德俄法比美日各使，略言漢口華界沿江一帶修築隄岸，擬援約章抽取一釐經費，希轉飭各領事遵照辦

理、○鎮江關稅司電稟赫總稅司、略謂鎮江租界沿江碼頭、爲本關應有之權、乃英商豐和公司竟敢收費、始准別船停泊、近經他商控告、當由關指定地段、爲華商戴生昌輪局停泊處所、乃豐和出而爭執、以執有地照、經英領事常鎮道、蓋有關防、例爲業主、不能任人佔據爲詞、請轉達外務部與英使交涉、○德商美順輪船撞沈儀棧運解功鹽、鹽船淹斃人命一案、業經委員稟由蕪湖關道照會駐滬德總領事、飭令照章賠卹、

華工紀聞

美國禁止華工條約、政府擬向美廷聲明、必令修改、茲將政府所議、開列如下、蓋欲請美廷將在美華人普行註冊、以後必須分別工人與非工人、不得一律禁止留難也、一、禁止華工入美、二、華工須指明某某等項、凡非指明者、不在禁止之列、三、美境拘留華人之木屋、一律除去、四、美國派員駐上海香港、凡華人護照、由其簽字、到美即准登岸、五、華人如有不獲登岸者、應准律師辯訟、六、華人如欲他往、應速發護照、並准復來、不限時日、七、華人應得享美國人民之權利、安居樂業、八、檀香山菲律賓兩處、可限制華工、不可禁止、九、華人經過美界、宜准假道、十、華人犯罪、應遣送出境、不得擾累他人、○墨西哥國柔氣丹農業公司特派日人來華、招工閩粵、前往開墾、

中俄交涉

俄使牒外務部、請於奉天繕城郭、濬溝渠、設柵壘、並謂宜由增將軍躬自辦理、而俄軍主持其事、外務部拒之、又謂馬賊屢在滿洲拆毀鐵道橋梁、並有日軍從中指揮、外務部因卽牒詢日使、日使答以俄使強辭狡辯、可置弗問、俄使又謂華官若任商人以禁品濟日、則俄人將在中國北方及新疆等處自由舉動云、○前有俄逃兵在山東昌邑縣乘醉闖入民家、槍斃旁觀二人、傷數人、○上海俄艦逃兵、屢滋事端、由駐滬日總領事牒請江海關道嚴行約束、關道因擬定章程七條、呈外務部核准施行、而駐滬俄領事不允、又日總領事照稱戰事方殷、恐俄艦乘間逃逸、請爲防範、關道當與俄領事商辦、業由艦長出具戰事未畢、決不擅離切結、並聽華官防守限制一切、

藏事紀聞

西藏賠款、前經英國楊赫斯班大佐議定、英金七十萬鎊、限七十五年清償、英兵占據春丕七十五年、印度書記柏樂得立令減至二十五萬鎊、楊赫斯班不允、乃商之於印度總督寇仁、遂決意仍照原數、惟占據春丕期限、不過三年、且斥責楊赫斯班、謂其擅訂藏約、英政府實不欲干預西藏內政、藏人若或背約、自當別議對付之策云、○近聞唐少川星使電致外務部、謂已抵加爾各

答、英國所派專使、則已先至、將致前西藏辦事大臣有護戎泰之公文送閱、囑將前約簽字、當告以奉 命重議前約、非畫諾者、專使旋送到條約十二條、往返辨駁、粗已就緒、蓋緣英人公論、亦不謂然、故尙易着手也、○聞達賴喇嘛由庫倫遁入恰克圖、將爲俄人伴送至俄京云、

要事彙誌

甲辰十二月初八日、外務部特具國書、寄往漢城、唁韓太子妃之喪、○出使韓國曾星使以圖們江口洲島及附近漲地、業與韓國按圖指定、附近北岸者、應歸中國等情、電告外務部、因卽咨請吉林將軍、派員會勘收管、○英美德法俄五國公使照會外務部、略謂直隸新練各軍、進步最速、聞 皇太后 皇上將往保定閱操、擬往隨觀、業由外務部奏准、○美國新簡柔克義爲駐華公使、以代康格之任、○山東卽墨勞山左右、德人禁止華人樵採、有不得開竈燒炭之議、魯撫札飭卽墨縣相機辦理、○京師德使館護兵米立夏、酒醉闖入民家、刺傷恆某、特設公堂審訊、判解天津監禁五月、而給恆某醫藥費銀一圓六角五分、○在山東昌邑縣之德人黑得爾、米阿、殺斃華兵周佩、有一案、業經德領事審訊定讞、一監禁十三月、一監禁七月、○前香港有美人二、芬蘭人一、意圖竊船、謀斃船中華婦二名、三犯被捕審訊、業由英官審明正法、

藏事紀聞

聞唐少川星使與英國派至加爾各答之專使初次議約時、專使請照前約、將楊赫斯班大佐所致駐藏大臣有護戎泰之公文畫押、其文並未聲敘藏爲華屬、唐星使以有護戎既未認許、則公文自屬不妥、而專使謂英國不過爲防備他國起見、如中國能保他國不侵藏土、亦可認爲華屬、唐星使當擬約稿十條以示專使、而專使謂此稿之意、在於廢約、堅持不允、會議四次、方允刪改、至賠款則已減去五百萬盧比、其春丕撤兵年限、專使亦已承認、惟彼意須於約內表明、係屬印度總督體恤藏人之意、唐星使謂此非印督寇仁私情、乃英廷睦誼、故所言不能從、現堅執除商埠外無論英國之官商兵隊均須由西藏大路往返之說、○外務部電致唐星使、謂據有護戎電陳、轉據三大寺公稟、言得江孜英人來函、內開賠款減去五百萬、又第二條第十條開設碼頭及三年兵費如數付給、至第三年即將春丕地方交還云云、又英人擬將楊赫斯班與藏人所訂由英國派員往駐江孜及來往拉薩之款作廢、均見於英國藍皮書也、

教務彙誌

二月三十日、駐京法天主教會主教樊國樑病卒、恩賞銀五百兩治喪、又駐京俄主教英謨肯

提因私買東陵官地事奉命歸國暫令掌院阿司鐸代攝其事○奉天懷德縣法教士顧天性被匪戕害司鐸以嚴辦地方官要求增將軍磋磨再四乃將該縣撤任而司鐸尙未干休增將軍告以馬賊所戕與尋常教案不同不能於撤任外再加處分云○湖北京山縣費姓與天主教民爭執田水糾衆械鬪焚燬教民房屋經府縣極力調停遂由費姓出資賠償了事○署江督周制軍行文蘇皖贛浙鄂川閩粵各當道略謂接外務部電以杭關道印給日本國教師紫雲元範赴杭嘉湖甯紹台等府游歷護照內有查察佛教字樣與向章不符上年鄂省於洋人柯和游歷照內註填查鑛字樣經部飭令塗銷有案近來日僧在閩浙等省藉傳教爲名干預寺產尤恐借端生事應照鄂案飭令塗銷知照日領聲明只能作爲游歷並希通飭各關嗣後游歷護照不得填寫別項字句希卽照辦云云○外人來華傳教向惟天主耶穌二派近有日本僧人紛至沓來不絕於道福建泉州曾有日本教堂被毀致釀交涉廣東省城東門外既有本願寺而佛山亦新設中華本願寺佛氏教堂江蘇常州曾有日僧前往察看各寺浙江杭州龍興寺曾懸大日本眞宗本願寺總布教場匾額水陸寺曾懸釋氏學堂匾額浙中又有三十五寺僧依託日僧伊籐賢道爲東本願寺眞宗大谷派之說而奉天安東縣亦有日僧所創之安東縣沙河鎮寺云

粵漢鐵路交涉

粵漢鐵路廢約一案、前美政府有允許中國收回股本自辦路工之說、然爲日已久、尙無成議、惟聞近有廷寄、由鄂督張制軍轉行盛宮保、飭令速卽辦理妥協、盛宮保遵卽轉電合興公司、聲明廢約之宗旨、而合興公司貽書於盛宮保、論及粵漢公司餘利小票及派總工程師等事、盛宮保均拒而不理、又張制軍亦電致出使美日祕古墨國大臣梁星使、請其與持有公司股票之美人磋商、將所索之股價核減、或卽照數認還、統由梁星使酌辦、并與商還款之法、或酌認利息、分年攤還、或另借整款、如數付清云、

華工紀聞

外務部電致出使英國大臣張星使、略謂南非鑛主於所募華工、雖未見有苛虐實據、但與原訂合同、相去懸絕、以致人言嘖嘖、希卽與該公司妥議、務令遵照合同、以息浮議云、○近聞在南非鑛地之華工二千人、因給發工資、不滿其意、遂致相約罷工、現已調集警兵彈壓、而華工傷亡頗多、○太晤士報載英藩部大臣賴脫爾頓在下議院答告曼克尼之言、謂南非管理華工章程、平時不用藤條鞭朴、若或犯事、亦惟以木棍敲朴、最多不得過二十四棍、且用刑時須由監督委員

醫生獄卒監視、並由醫生驗明犯罪者、是否能受此刑、地方官若未得刑司之允准、亦不得擅責云。○南非需用華工、經與駐華英使約定、前往山東招募、本指煙臺而言、近聞英使照會外務部、謂煙臺無碼頭、工人上落至險、請改於威海衛辦理、惟仍在中國界內、以符原約、外務部允之。○粵督近准出使美日祕古墨大臣梁星使咨開、查有美人名尅爾利者、近擬來華招工、運赴巴拿馬開通海峽、所定章程、異常苛虐、且巴拿馬水土惡劣、華工前往、甚不相宜、請預圖抵制、以免華民受害等因、因即札由善後局轉告五大善堂、妥議告白、俾衆咸知。

要事彙誌

德國親王福禮留白與今德皇爲從堂兄弟、此次奉命前往俄軍觀戰、順道來京、因於三月初一日、覲見 皇太后 皇上於 乾清宮。○駐華韓使朴臺榮、近奉其政府之命、率同僚屬

回國、此後中韓交涉、即由駐華日本公使代辦。○上海向有美國駐設總領事、近又派定前在合興公司充當書記之鮑德巴德爲上海幫辦領事。○駐華德使要求外務部、請給德國地理師二人護照、查勘山東地界、外務部卻之、而德使又有照會、謂本大臣照請貴部、繕給地理師護照、經貴部以字樣不符、未便繕給爲復、今亦未便相強、惟望仍繕游歷字樣護照、以便前往云云。

嚴守中立

俄國波羅的海艦隊開駛東來、將至中國海面、江督周制軍准外務部電、轉咨各省、嚴守中立、略云、俄艦已抵西貢相近之拿敦拿島、日本調艦集臺、將有劇戰、如俄艦南走外洋、繞臺灣大東、或不遇敵、然往海參崴、終必與日艦相遇、若兩軍交鋒、敗船避入華界、總當嚴守中立、查照外務部頒發中立條規、並北洋所刊局外公法摘要、抄發沿海州縣營汛、講求遵守、並早派得力譯員及解事文武員弁馳赴各口、以便相機因應、並須切諭商民、勿預戰事、勿接濟兩戰國禁貨、勿與爲難、倘戰船入口岸、有兩種辦法、其過往裝煤水之船、應照章阻止、隨時出口、其逃逸之船、應查明人數、造冊具結、不回戰地、取出礮機軍械各要件、准其停泊口內、派員嚴密防範、如船已壞、應在岸給屋居住、供其伙食、照料周妥、戰定清算、近日煙青滬均如此辦法云、

賠款辦法

交付賠款辦法、近由外務部與駐華各使議定大略、惟尙有一二瑣細款項、尙未商定劃一之辦法者、故畫押尙未定期、至辦法大綱、則仍定於西歷逐月末日、按月均付、其交付之款、或按倫敦市面銀價、用銀付還、或用金錢期票付還、或用電匯票付還、均聽各國酌用、惟俄使之意、則欲按

照倫敦市面本月適中之銀價、

按本月二字之義係就還款日起向上逆算合若干日爲一月

在滬付還現銀、外務部因電飭江

海關道先行考定倫敦銀之平色、與道勝銀行訂一定數、將來即可照算、又以適中二字之義、不甚分曉、或應擇一最高一最低之價、取其居中之數、或應合一月內逐日之價、卽就此一月之日數分析其總數、兩者必居一於此、故並令與道勝議定、又聞尙有一款、其大意、則謂前三年應補鑄虧、亦須付息、直至清償之日而止、因此之故、此款亟須早日清償、又聞德使面告外務部、言俟交付俄款辦法議妥後、各國公使、卽可一律畫押、

路政交涉

美國協豐公司代表人倍、次擬仿甯滬鐵路章程、建築浙贛鐵路、由浙江之杭州、迤邐而至江西邊界、外務部令其自行赴浙、與官紳商酌辦理、因由駐杭美領事照會洋務局詳請浙撫、轉飭浙紳商議、○督辦閩粵農工路鑛大臣張弼士侍郎、擬由廣州府至黃埔口建造鐵路、而美國合興公司出而抗阻、謂按照原約第三款內載嗣後有由粵城續路到海濱之權、不應令別項公司興修、須俟合興公司一切利權交涉清楚、再行酌議云云、因由駐華美使照會外務部、請轉告張侍郎、暫不開工、外務部以查無案據、乃咨請商部查復、

藏事近聞

查辦西藏事件唐少川星使與英國專員會議藏約計有六款其文如下、一、英國允認中國爲西藏之上國、二、如無他國干預、則英亦不願併吞西藏、及管理西藏內政、三、藏地如開設商埠、及設立電線通至印藏邊界、則英國須得有利益、四、三十年七月二十八日之藏英條約、及以後批改之約、須附入此項約內、五、此約須繕中英文四份、如有辯論、仍以英文爲主、六、西藏辦事人員、除中國人外、不得用他國人員、唐星使以其諸多窒礙、乃駁復之一、原稿英國允認中國爲西藏之上國一語、上國二字、應改爲主國、字義截然不同、不能含混、二、原稿英亦不願併吞西藏云、應改爲英亦不得併吞西藏、三、原稿設立電線云、應增入該電線須由中國自行設立、四、三十年七月二十八日所訂之藏英新約、不得附載此次約內、六、原稿云、除中國人外不得用他國人員、查亞東關等處延用英人、業已歷久相安、應不必將此條載入約內、致礙主權、並聞唐星使電告外務部、言英國專使、謂此次約稿、於前約利益、所讓頗多、不能再爲更改云、

商務彙誌

中德商約、近已開議、其綱要有十四、一、加稅裁釐、二、租界、三、關棧、四、鑛務、五、存票、六、商標、七、合資

事業、八、口岸通商、九、宜昌水道、十、內港行輪、十一、國幣、十二、米穀出口、十三、優待利益、十四、批准、蓋與中英中美中日商約大致相類、○寓滬英商以中英商約所載幣制鑛務稅則航業等款、中國並未照行、因特電請英國外部行文中國政府、按約辦理、○駐華義使以一千九百零六年在祕拉諾地方舉行賽會事宜、並特設漁業分會等情、照會外務部、請告沿江督撫、通飭各屬知照、外務部業已行知商部、轉牒各省、至比國黎業斯之萬國博覽會、則已開辦、聞自昨年運美赴賽、餘物轉運至比陳列比賽外、如北京工藝局、上海茶磁公司、及湖北廣東浙江商人、亦皆有物寄往云、

使節紀聞

出使奧國大臣楊京卿晟、已於二月十四日行抵維也納、覲見奧皇、呈遞國書、○駐華俄使雷薩爾病故、使館葬於都城彰儀門外、政府以外國公使在京病故、尙無成例可援、因按我前出使俄大臣楊星使在俄病故、俄人所施禮節、參酌辦理、乃由振貝子奉命前往使館賜唁、及其葬也、外務部堂官又銜命往送、並賜極大花圈、至駐華俄使員缺、俄政府以北京道勝銀行璞科第在華年久、諳悉情形、遂命其持節駐京、以繼雷薩爾之任、